

佛說阿彌陀經

姚秦龜茲三藏鳩摩羅什譯

勸

如是我聞一時佛在舍衛國祇樹給
 孤獨園與大比丘僧千二百五十人
 俱皆是大阿羅漢眾所知識長老舍
 利弗摩訶目犍連摩訶迦葉摩訶迦
 旃延摩訶拘絺羅離婆多周梨睒陀
 迦難陀阿難陀羅睺羅憍梵波提賓
 頭盧頗羅墮迦留陀夷摩訶劫賓那
 薄俱羅阿菟樓駄如是等諸大弟子
 并諸菩薩摩訶薩文殊師利法王子
 阿逸多菩薩乳陀訶提菩薩常精進
 菩薩與如是等諸大菩薩及釋提桓
 因等無量諸天大眾俱
 爾時佛告長老舍利弗從是西方過
 十萬億佛土有世界名曰極樂其土
 有佛号阿彌陀今現在說法舍利弗
 彼土何故名為極樂其國眾生無有
 眾苦但受諸樂故名極樂又舍利弗極
 樂國土七重欄楯七重羅網七重行
 樹皆是四寶周匝圍繞是故彼國名
 曰極樂又舍利弗極樂國土有七寶

池八功德水充滿其中池底純以金
 沙布地四邊階道金銀琉璃頗梨合
 成上有樓閣亦以金銀琉璃頗梨車
 渠赤珠瑪瑙而嚴飾之池中蓮華大
 如車輪青色青光黃色黃光赤色赤
 光白色白光微妙香潔舍利弗極樂
 國土成就如是功德莊嚴
 又舍利弗彼佛國土常作天樂黃金
 為地晝夜六時天雨曼陀羅華其國
 眾常以清旦各以衣祴盛眾妙華
 供養他方十萬億佛即以食時還到
 本國飯食經行舍利弗極樂國土成
 就如是功德莊嚴
 復次舍利弗彼國常有種種奇妙雜
 色之鳥白鶴孔雀鸚鵡舍利迦陵頻
 伽共命之鳥是諸眾鳥晝夜六時出
 和雅音其音演暢五根五力七菩提
 分八聖道分如是等法其土眾生聞
 是音已皆悉念佛念法念僧舍利弗
 汝勿謂此鳥實是罪報所生所以者
 何彼佛國土無三惡趣舍利弗其佛
 國土尚無三惡道之名何況有實是
 諸眾鳥皆是阿彌陀佛欲令法音宣

阿彌陀經 第三卷 勸

流變化所作舍利弗彼佛國土微風
 吹動諸寶行樹及寶羅網出微妙音
 譬如百千種樂同時俱作聞是音者
 皆自然生念佛念法念僧之心舍利
 弗其佛國土成就如是功德莊嚴
 舍利弗於汝意云何彼佛何故号阿
 彌陀舍利弗彼佛光明無量照十方
 國無所障罣是故号為阿彌陀又舍
 利弗彼佛壽命及其人民無量無邊
 阿僧祇劫故名阿彌陀舍利弗阿彌
 陀佛成佛已來於今十劫又舍利弗
 彼佛有無量無邊聲聞弟子皆阿羅
 漢非是算數之所能知諸菩薩亦復
 如是舍利弗彼佛國土成就如是功
 德莊嚴
 又舍利弗極樂國土眾生生者皆是
 阿鞞跋致其中多有一生補處其數
 甚多非是算數所能知之但可以無
 量無邊阿僧祇劫說舍利弗眾生聞
 者應當發願願生彼國所以者何得
 與如是諸上善人俱會一處舍利弗
 不可以少善根福德因緣得生彼國
 舍利弗若有善男子善女人聞說阿

阿彌陀經 第三卷 勸

彌陀佛執持名号若一日若二日若三日若四日若五日若六日若七日一心不乱其人臨命終時阿彌陀佛與諸聖眾現在其前是人終時心不顛倒即得往生阿彌陀佛極樂國土舍利弗我見是利故說此言若有眾生聞是說者應當發願生彼國土舍利弗如我今者讚歎阿彌陀佛不可思議功德東方亦有阿闍鞞佛須彌相佛大須彌佛須彌光佛妙音佛如是等恒河沙數諸佛各於其國出廣長舌相遍覆三千大千世界說誠實言汝等眾生當信是稱讚不可思議功德一切諸佛所護念經

阿彌陀經 第四張

國出廣長舌相遍覆三千大千世界說誠實言汝等眾生當信是稱讚不可思議功德一切諸佛所護念經舍利弗北方世界有焰肩佛寶勝音佛難沮佛日生佛網明佛如是等恒河沙數諸佛各於其國出廣長舌相遍覆三千大千世界說誠實言汝等眾生當信是稱讚不可思議功德一切諸佛所護念經舍利弗下方世界有師子佛名聞佛名光佛達摩佛法幢佛持法佛如是等恒河沙數諸佛各於其國出廣長舌相遍覆三千大千世界說誠實言汝等眾生當信是稱讚不可思議功德一切諸佛所護念經舍利弗上方世界有梵音佛宿王佛香上佛香光佛大焰肩佛雜色寶華嚴身佛娑羅樹王佛寶華德佛見一切義佛如須彌山佛如是等恒河沙數諸佛各於其國出廣長舌相遍覆三千大千世界說誠實言汝等眾生當信是稱讚不可思議功德一切諸佛所護念經舍利弗於汝意云何何

阿彌陀經 第五張

故名爲一切諸佛所護念經舍利弗若有善男子善女人聞是經受持者及聞諸佛名者是諸善男子善女人皆爲一切諸佛共所護念皆得不退轉於阿耨多羅三藐三菩提是故舍利弗汝等皆當信受我語及諸佛所說舍利弗若有人已發願今發願當發願欲生阿彌陀佛國者是諸人等皆得不退轉於阿耨多羅三藐三菩提於彼國土若已生若今生若當生是故舍利弗諸善男子善女人若有信者應當發願生彼國土舍利弗如我今者稱讚諸佛不可思議功德彼諸佛等亦稱說我不可思議功德而作是言釋迦牟尼佛能爲甚難希有之事能於娑婆國土五濁惡世劫濁見濁煩惱濁衆生濁命濁中得阿耨多羅三藐三菩提爲諸衆生說是一切世間難信之法舍利弗當知我於五濁惡世行此難事得阿耨多羅三藐三菩提爲一切世間說此難信之法是爲甚難佛說此經已舍利弗及諸比丘一切世間天人阿

阿彌陀經 第六張

修羅等聞佛所說歡喜信受作札而去

佛說阿彌陀經

壬寅歲高麗國大藏都監奉

勅雕造

阿彌陀經 第七張 物

佛說阿彌陀經

校勘記

一 底本，麗藏本。

一 六七六頁上二行「龜茲三藏」，**資**、**磧**、**南**、**徑**、**清**作「三藏法師」。

一 六七六頁上六行第六字「乾」，**資**、**磧**、**南**、**徑**、**清**作「捷」；**徑**作「捷」。

一 六七六頁上七行第五字「拘」，**資**、**磧**、**南**、**徑**、**清**作「俱」。

一 六七六頁上七行第一一字至八行首字「周梨槃陀迦」，**資**、**磧**、**南**、**徑**、**清**作「周利槃陀伽」。

一 六七六頁上一〇行第二字「俱」，**資**、**磧**、**南**、**徑**、**清**作「拘」。

一 六七六頁中二行第三行「頗梨」，**資**、**磧**、**南**、**徑**、**清**作「玻瓈」。

一 六七六頁中九行「天雨」，**資**、**磧**、**南**、**徑**、**清**作「雨天」。

一 六七六頁中九行末字「國」，**資**、**磧**、**南**、**徑**、**清**作「土」。

一 六七六頁中一五行第五字「鵠」，

資、**磧**、**南**、**徑**、**清**作「鶴」。

一 六七六頁中二一行第九字「趣」，**資**、**磧**、**南**、**徑**、**清**作「道」。

一 六七六頁中二二行第五字「三」，**資**、**磧**、**南**、**徑**、**清**無。

一 六七六頁下四行「皆自然」，**資**、**磧**、**南**、**徑**、**清**作「自然皆」。

一 六七六頁下一三行第一二字「薩」，**資**、**磧**、**南**、**徑**、**清**作「薩衆」。

一 六七六頁下一九行第七字「劫」，**資**、**磧**、**南**、**徑**、**清**無。

一 六七七頁上九行第五字「德」，**資**、**磧**、**南**、**徑**、**清**作「德之利」。

一 六七七頁下四行第五字「共」，**資**、**磧**、**南**、**徑**、**清**作「之」。

一 六七七頁下一四行第一〇字「說」，**資**、**磧**、**南**、**徑**、**清**作「讚」。